


聖教雜誌

REVUE CATHOLIQUE

中華民國七年陽曆三月



天主降生一千九百十八年

N° 75

第七年 第三期

要目

插畫○新聖劉大司牧攝影

貴州公教青年會慶祝

主教施公晉鐸銀慶紀念

攝影

論說○俄羅斯革命之因果

完 械材東蒙

傳記○創立傳信會女士保

利納瑪利亞若利各傳畧

續(希望)

教育叢談

近事○羅瑪之部 本國之

部 外國之部

中外大事表

聖教雜誌價目表

本報月出一期全年十二期

報資全年大洋八角

郵費全年 中 外 國 郵 局 四角二分

(注意)報資或預付或交由近處天主堂滙付

凡不便寄銀與無郵局滙票處可以一分郵政

票抵代

凡訂閱五份起報資與郵費均九扣十份八五

扣二十份以上均八扣

凡訂報須開明住址姓名如某司鐸某先生等

凡兼訂聖心報者請來函聲明

凡閱報諸君有增減報章惠付銀洋改移住址

等情須來函詳細聲明並將原封報條寄下

一紙否則作爲無效

賑款誌謝

爲直隸水災江陰張神父交來八元八角掘港
陳神父交來一元特此誌謝併揚 仁風

惠書誌謝

茲承法聯合會惠贈 1917 Documents de la Section
Photographique de l'Armée Française 三册係法國巴黎
出版攝影甚精美又歐洲戰史第一第二各一
册係集益修書局發行阮君焦斗主任編輯內
容資料宏富江西黃君各惠贈革心芻議二册
該書駁倒孔教獨具卓識浙江樂清陳君汲新
惠贈奉教須知二册該書分熱愛天主等十節
均爲教友所不可不知者可謂名副其實甯波
徐君友丞惠贈包氏研究錄二集一册衛生公
報共五期二種均爲有益衛生之書籍併誌如
上以達謝悃 聖教雜誌社編輯所啟

聖女德肋撒行實勘誤表續

發行誤正

- 一十二七 領誦 領會
- 一十三二 能作 能賜我作
- 二十頁六 麻痺 痲痺
- 二十二六 亦來 亦與來人接
- 三十四九 每句 按每句
- 三十五九 身體 聖體
- 四十五七 行外 行
- 四十七一 破出 取出
- 五十七二 會雅 會聖雅
- 七十二十 事事 事
- 七十六五 新院 修院
- 七十七一 未之 未獲
- 八十九八 小註 不宜用小字而仍用大字
- 九十六八 領後 領袖後
- 一百三五 虛命 虛名
- 一百六八 愈瘰 瘰
- 一百十三 房屋 房
- 百三十一 之去 之去。購屋而居。見屋週佈景。與夢
- 百三二 解以 解以斯屋。須獻為修院。伊等即請
- 百四七 利亞 利納
- 百八十三 領誦 雜誦
- 百八十九 自搖 首自搖

- 二百二二 清潔 潔清
- 二百五十 公爵 物辣斯格^{見上第}
- 二百六一 入歛 入殮
- 二百六二 公爵 斯位
- 三百一七 猛特 猛時

再版敬禮聖心月 一冊 價洋二角六分

耶穌會晁德蒞司鐸著於一千八百六十五年木版發行該書內容詳論聖心月中逐日之敬禮洋洋灑灑不下數萬言未附敬禮經文及諸務等等誠為教友必需之本最近鉛印再版字跡既更清楚書本又縮小以便攜帶定價仍舊並不增加欲購者請從速 土山灣印書館啟

最新出版 聖女德肋撒行實 一冊 價洋二角

是書為大史家耶穌會鮑朗第社原編由徐司鐸伯愚新近逐譯出版譯筆簡潔排印清楚全書凡六十章聖女生平事實詳載無遺復精印聖女五彩造像一幀以為之冠世之尊敬聖女者誠不可不手執一編也 土山灣印書館啟

高等小學 **國文新課本** 第二冊 每冊一角三分

本館自民國五年起延聘通人編輯高等小學國文新課本以應畢業於國民學校學生之需要按照高小三年畢業年限分為六冊每半年一冊第一冊於上年九月出版頗受教員及學生歡迎現第二冊又已於上月出版體裁格式與第一冊同共選短篇古文四十課約供一百小時之教授讀課逐段之下有說明逐篇之後有總評俾學生易於領會每課有擬作兩篇以示范範更擇字句中之稍不易解者從略註釋每課之後特闢瀏覽一門俾學生於普通文法及國民常識藉知一二並蒐集各種雜錄以增興味後四冊現正趕編源源出版
土山灣印書館啟

國民學校即 **國文新課本** 全書八冊 每冊一角

本館編輯國民學校國文新課本全書八冊業已出版每冊定價大洋一角前四冊初版已售罄現均再版發行內容尤多改良後四冊存書無多亦將再版

土山灣印書館 特別廣告

國民學校國文新課本說明書第二編業已出版諸君已購第一編及預約券者請速攜券來取未購者亦請速來購第一第二編及後二編預約券一俟第三第四編銜接出版憑券取書不悞又第二編頁數比第一編約多一倍並附有單印之附錄二種惟初版無多欲購從速

最新 **算術指南** 出版

算學書籍坊間出版發行者固已汗牛充棟雖其中不乏善本然或以程度過深或以內容複雜學者多有迷津之苦朝陽松樹嘴子公學近編課算指南一書簡單明瞭習題豐富且純用官話明白暢曉適合高小學生程度洵為習算之津梁最新之善本業已由本館出版發行欲購者請速惠顧
土山灣印書館啟

最新 **聖女日多達小傳** 價洋二角半

是書為法國耶穌會司鐸格老君原編由潘司鐸秋麓譯登於聖心報時歷二年大受閱者歡迎多以單行為請茲從衆意特印單行本出售冠以聖女五彩造像欲購者請從速
土山灣印書館啟



教主梅 教主劉 教主姚 教主杜
影攝牧司大劉聖新

貴州公使衙門前農工學校畢業生合影



時新

里左

論說 俄羅斯革命之因果 續

七 政府最後之失策

綜觀以上各節所論。醞釀革命之原因。已不一而足。詎意禍機將發時。政府猶製造一至大之原因乎。試復略陳其大概。俾與上文合成全璧焉。夫於雙方未決裂前。倘善爲調和排解。即政府不能保存。帝座必不致推翻。固夫人知之。第所謂調和也。排解也。帝非不願也。而意以爲已屢試無效。且每愈排解。而雙方愈相水火。則不禁有江郎才盡之嘆矣。殊不知調和實非易易。貴在得其術耳。蓋一面爲民意。主張新法者。一面爲政府。信用已失者。欲使雙方意見。融洽一致。以爲調和之標準。則無異欲水火併置一器中。庸可得乎。帝在斯時。乃當審察雙方之能力。與夫孰者愛國。孰者害國。而毅然決然。擇定其一。或從政府。或從民意。以爲調和之標準。而後事克有濟。惟帝之勝敗。亦卽由此判焉。

願帝之大志。非欲歷祖相傳之專制遺產。使保存勿失乎。於是欲保護政府。自亦不能謂非計也。特惜其過於偏袒耳。果也。帝始終翼護政府。惟恐不力。有多數國民。以部長專制兇橫。無故加以苦楚。忿恨莫洩。逕在帝前叩關直訴。帝每揮斥不理焉。然不知帝之失敗。乃卽基於斯也乎。何則。帝至少非瞽而無目者。豈不見其時之國民全體一致。反對政府乎。以視昔日。有彼一時。此一時之分乎。曩者省議會上書請願。猶可斥曰癡心妄想也。而在今日。則不當以此等語。加諸國民矣。

蓋昔日君主之言。能謂金口玉言。而今則自由思想。一發而不可遏。國民自覺非無程度能力。亦欲與聞國政矣。意以爲凡關於國家大計之事。須先徵求國民同意。元首不當獨斷獨行。一如往昔之例矣。

恐尼古拉第二。或爲左右所蒙蔽。不知社會思想。與前大異。第至少當知自由黨之目的何在。使自由黨果僅爲少數人私利是圖。則不久自必失敗。一蹶而不能復振者。固不足憂懼也。乃如代表一勢力。反對政府。而再接再厲。聲勢益壯者。則惟一之妙策。卽不强壓此勢力。而並善導之是也。故其初輿論作不平之鳴。非可謂卽革命之先聲。尙能及時醫愈之。黨員在野。雖爲無政黨。設予以政界位置。卽非無政黨矣。

無如帝始終不悟。不接近國民。或不知接近國民。爲有利無害。而偏執於專制神聖。君權萬能之一念。且以秉性柔弱。往往立志不堅。倘有最後進言者。帝亦虛懷讓納。職是諸故。最後釀成一種潛勢力。橫行全國。而卒因此喪其帝位焉。悲夫。

雖然。帝之失敗。后之過。實居大半。前已論及之矣。后自誕生太子後。國家大事。實權悉在后手。帝之於后。不特言聽計從。實惟后之命是從。東則東。西則西耳。而帝后二人。更有一大病。厥爲迷信神仙。遂爲一江湖術士。靦顏無廉恥之假神仙所顛倒。卒致帝后名譽與地位。均斷送於是人。手。其人爲誰。卽上文所已述及之怪教士賴斯破丁是也。茲將其歷史。略述如下。其亦諸君之所

許也乎。

賴斯破丁者。俄國西伯利亞忒玻斯克縣一漁人子也。身長而大。高額廣頤。黑髮長鬚。低額巨鼻。狀類韃靼人。少年時。酗酒無賴。嘗被控監禁多次。幾罹大辟者。亦屢矣。一日。忽異想天開。以爲藉熱心一途。可以獲名。遂入伊諾聖德教堂。爲教士。僞示懺悔改過。實則無賴之心。未見稍減。雖易服教士服。以教士自居。而名實相去甚遠焉。嘗利用俄民之迷信性。自稱爲神之子。且謂能以術愈人疾病。遍遊各村。煽惑愚民。所至有聲。婦女輩尤崇信之。趨之若鶩。彼謂婦女輩曰。余不欲效假仁假義之人。今直告諸姊妹。欲靈魂得救。須有真心之痛悔。而真心痛悔。由已犯罪得之。諸姊妹欲救靈乎。盜犯罪而發真心痛悔乎。

詎意其術竟大售。甚得婦女之歡。未幾。有訴彼於講道後。聚集多人一處。不知何爲者。亦有恨之刺骨者。然敬之者。仍不乏其人。甚有口親其衣。以爲降福者。於斯時也。賴斯破丁。貪得高位之心。勃然大熾。私自語曰。蓋不至都中一施其術乎。試之西伯利亞村女。旣成效大著。行之京中。豈不能得同一之效果乎。

於是賴。攜多數人介紹之書翰。首途入京。以其崇惑村民之術。推廣而崇惑都民矣。帝后之命運。乃亦日促矣。賴旣入京城。旋因得一俄人。中所謂有德者之優待禮遇。賴遂鼓其蓮花之舌。信口雌黃。起行其術。果復大獲成效。尤以高等社會患神經病之婦女爲最崇信。僉謂賴有大本領。爲

來自天主處之大仙。能治人所患私慾。且能通神。於是名聲大震。聞於宮中焉。有某孀婦。卽常伴侍皇后者。或謂賴之情人。尤稱道之不絕口。賴之得入宮親后。卽藉某婦介紹。賴既入宮。於后前勢力至大。或謂其雙目銳利絕倫。祇須向人注視一次。有如施催眠術者。能以聖經之言。使人身授魂與。心悅誠服。后乃不幸墜其彀中。爲被崇之一人。嘗有一次致書賴曰。爾爲予盡力之處。指不勝屈。圖謝之心。莫可言喻。惟憶予以首枕於爾肩時。沉默無言。心至歡樂。且萬念俱忘。心境平安。是乃天主最大之降福。榮幸奚如。烏可不思謝乎。故有謂后之患神經病。可謂甚矣。然亦不幸之甚矣。

旋因俄國正教教師與國會。大不直賴之行爲。協力反對攻擊。賴奉政府命出京。頻行時。猶幻構蜚語。威嚇都民。適是時皇太子忽患病。延醫調治。未卽就痊。帝后甚憂。有謂此乃來自天主處之人。被命出京所致。遂追賴返京。召入宮中。爲皇太子祈禱。久之。太子愈。帝后大喜。歸功於賴。大加信用。於是賴之勢。愈盛於前。從此永居宮中。無惡不作矣。帝亦爲所欺弄矣。賴之視帝。以爲彼卽帝之基。利斯督。遂乘機吸取金錢。植權宮廷。干涉政治。實則胸中一無所有。而自詡爲大政治家。無所不知。至論其於政治上之勢力。言之實足驚人。一日。賴論日本。嘗其爲鬼類。並言須慎防日人。而宮中果均不悅日人。是猶小焉者也。及歐戰既起。賴首先評論戰事。謂自當壓迫德國。不使稱霸西方。而其時俄軍亦正興高采烈。奮力爭鬥之秋也。既而青黨賄賴。

以重賂。(按青黨成立於一千九百十六年。總機關設在瑞典斯德哥爾摩。以使俄國內地發生內訌。德俄合併爲宗旨。革命前內閣數倒。青黨亦有力焉。)賴卽一變而爲和平派矣。時在衆人前。仰天嘆息曰。戰爭者危事也。可畏孰甚。總宜有休息之日也。並嘗集衆開會。爲反對戰爭之演說。又以前任總司令尼古拉大公。主戰最力。大有與大公勢不兩立之概。嘗謂大公曰。聖母現余云。速卽媾和。詎意大公不特不之信。並答曰。聖母現余云。賴斯破丁行將勸汝媾和。慎勿聽信。彼非善類。如欲復言。則以鞭笞之。爾果欲復言乎。余將執鞭笞爾矣。爾其速行。否則逐矣。未幾大公遂解總司令職。雖原因不一。其結怨於賴亦其一因也。

賴在國中炙手薰天。不可一世。賣官鬻爵。肆無忌憚。部長主教。惟其所欲。而甚至強迫帝。將一不良之主教列入神品。以此不良之主教。乃爲賴所祝聖者。聖會議嘗大反對之。

賴之如是不法。帝固非不知也。屢欲去之。而后堅執不允。常指賴爲發聖跡之人。帝卒無奈何。惟嘆息曰。寧願有二十賴斯破丁。不願有一患神經病之后焉。其他甘心切齒於賴者。亦不乏人。第設施種種計劃。屢次力攻。無一奏效。而亦無如之何。惟徒呼負負而已。實則斯時卽能去賴。亦已晚矣。後賴雖被刺。而其人雖已去。其惡仍未去。俄人至今猶莫不痛心疾首於賴者。卽此故耳。至賴之被刺結局。則出自其二親王所爲。於一千九百十六年十二月三十一日夜。雙鎗並發。擊而斃之。越日其屍始發現於尼瓦河內。人皆快之。

賴以一匹夫而遺禍全國。其死固不足惜也。惟平心論之。賴之得寵於帝后。茲可數言括之。曰不特由於賴之善稱發假聖跡。與夫假仁假義。實由於俄京高等社會中。有一種流行病。爲腦筋理想之熱心。易言之。可謂癡病之一種。而江湖術士之術。因此得大售。終使帝后亦爲所惑。焉不然。縱有千百賴斯破丁。亦烏能爲力哉。帝與俄民。何以若是之不相謀。是亦其一因也。賴斯破丁事。今已論竣。乃試續論俄政府最後之失策。果何在也。

一千九百零五年十月所頒之憲法。許給予國民之權利。原甚無幾。帝之量。固不得謂宏也。然若繼續略漸讓步。歷十年後。則國民反對之聲。自漸偃旗息鼓矣。孰意政府竟南其轅而北其轍。一面欲禁止國民反對之口。而一面違背憲法。將已許給予者。逐一收回。厲行專制。不改以往。是則無異欲救火而灌以易燃之油。遂使國民積恨愈深。及第四次國會產生。乃與政府相爭不讓。勢無甯息之期。忽焉歐戰發生。於是專制勢失。一蹶不起矣。此政府失策於平昔者一也。

俄民激於愛國之熱腸。見國是之日非。莫不心爲碎痛。全國議會嘗聯合要求尼古拉第二去僉王之政府。改組國人信仰之政府。已不止一次二次。一千九百十五年夏。省議會自治會以及其各議會。又衆口一詞。懇求帝將禁衛軍。明令解散。良以禁衛軍爲惟一之阻隔。頃刻不離帝左右。使帝與民壅隔而不獲接近。致上下不和。意見背馳者也。俄民因不自量力。開始與帝抗衡。要求務除此障礙物。以爲非然者。俄羅斯之國力。將被銷燬無餘矣。

莫斯科城中貴族領袖及商界代表亦咸要求以全國信仰之人物。掌握政柄。即議會中。雖黨派意見不同。而欲以政柄歸諸全國信仰之人物。則亦不相謀而相合焉。惟其如是。終有所謂聯合進步黨。應時出現也。凡目光銳利之政治家。均逆料危機已伏於斯時。乃執政者。昏憤如前。見不及此。或不欲研究時局。絕不思患預防。及屆禍將發時。始設法補救。固已無及。况所行之策。又為不當用而用者乎。蓋際千鈞一髮之時。如果欲圖挽救。自當召集自由黨。畀以政權。以試其言行。果否一致。坐而言能起而行否。乃政府措施。適得其反。而欲不失敗。得乎。

高來米格姆 *Gorky* 所用之策。乃為一愚笨之策。即延長議會是也。高於二十年前。施行此策。或能稱及時之策。而在最後五分鐘將屆之秋。設此過時之策。則適自陷於困境耳。果也。曾幾何時。內閣屢易。擾攘益烈。憂心時局者。無不逆知病根已伏。行將全倒矣。此政府失策於臨時者。又一也。

當此時也。反對政府派。已非僅為黨人。幾全國之人。咸有不平之氣概。而政府猶以反動力激之。危險孰甚。其中尤以司久奈爾為最愚笨不靈。不孚眾望之尤者。其執掌政權。為反動力中之最大者。卒使雙方讐恨日深。永結不解。一面擁護皇帝。一面國民。因反抗政府。遂亦反抗皇室矣。此政府失策於用人者。又一也。

語云。旁觀者清。當局者昏。俄國貴族。不如帝之被蔽。默察時局。知禍將不測。良深憂懼。右黨亦自

一 千 九 百 十 八 年 陽 曆 三 月
覺危機四伏。不久將發。即守舊派之中堅。波利克維斯。亦知大患之將臨。而代表部長。要求尼古拉第二。舉目四顧。速援俄國。急將賴斯破丁所造成之潛勢力。驅而除之。毋使盤踞要衝。此外大公皇太后。亦竭誠規勸。而尤以尼古拉米格爾從弟。爲最胆壯。上帝一書。言至痛切。畧謂愛國志士。陛下俱不信任。復何言哉。祇有受人愚弄而已。陛下須特別注意者。即皇后也。皇后固愛慕陛下者。第使陛下受愚者。亦即皇后也。無他。皇后左右之人。悉爲僉壬宵小。陛下豈猶未悟乎。孰意帝竟不爲之動。多數忠良。一再請求。亦無聲無臭而已。

然而俄民至此。已忍無可忍。一日米里烏高甫。遂在議會中演說。畧謂全國人民。苦苛政久矣。國家前途。危險益增。實因政府無能已極。而賄風盛行。政治腐敗。我國民不得不自爲謀。宣告自主。永遠脫離皇室焉。

願國民心雖贊同。猶未急遽實行。而政府方面。最後之大失策。即爲進言於帝。解散國會是也。於是民氣勃興。舉國譁然。以爲此可忍。孰不可忍。此而可恕。孰不可恕。遂羣起而亡俄之專制矣。革命之劇。練習已久。至此開演矣。俄皇時適親臨前敵。監督戰爭。忽聞此變。不知所措。亦莫名其妙。即於潑司高弗。車站御車內。下退位詔焉。而初次革命。於是慶告成功矣。

結論

俄國革命因果。既如前述。雖初次成功後。二次三次。接踵繼起。將來俄之爲俄。如何結局。尙難推

測。而前俄皇尼古拉第二。則從此下野幽居矣。間嘗跡其平生歷史。其舉措失宜之處。固不勝枚舉。無可諱言。而卒至帝位不保。可哀亦可憫也。然帝之大誤。在不能去除宵小。反爲所賣耳。其爲人心地。非不善良。亦宜標而出之。所謂英雄不可以成敗論也。如帝嘗下諭減輕稅率。蠲除酒捐。均足徵其道德高尚。而在一千九百十四年二月。帝又嘗致書財政總長曰。不得增重國民擔負。以損害國民。則尤見其愛民心切。卽現今各國於此大戰期內。不能不思念及帝。何以故。以帝爲發起海牙和平會之第一人。特惜帝不幸被惑於甘心賣國諸僉王。而若輩濫施專制。不以國家國民爲前提。激使國民挺而走險。揭反抗之纛。致帝不克保其大位。被放於僻鄉修院內。身敗名裂。不特受國民唾罵。並貽羞萬世。不禁代爲嘆息痛恨於其左右之亡國大夫不置也。非然者。尼古拉第二。旣擁可以有爲之國。及可以有爲之民。復遇可以有爲之時。設能克肩巨任。措置咸宜。豈非二十世紀中之一大偉人乎。

雖然。尼古拉第二之失敗。蓋已往矣。其左右宵小。亦已同歸於盡矣。俄之專制。一去不復返矣。惟自初次革命告成以來。纔將一年。風雲變幻。亦臻極點。如二次與三次之革命。嬗遞發生也。黨員之爭奪權利。前仆後繼也。前敵軍隊。屢戰屢北。而開單獨媾和之談判也。遂使與革命志士初時期望者。適得其反結果。最近如國會開幕。未及一日。卽遭解散。洵稱奇事。卽以此觀之。則知俄國政局之混沌若何。雖欲統一國內。猶不可得。而謂能禦外侮乎。嗚呼。吾不知俄國騷亂。將伊於胡

底。須歷若干之歲月。卒使俄民得享真正平等自由之幸福。而言念及此。不禁有所感觸焉。返觀我國。共和成立。轉瞬已屆七載。而其間革命之革命。復辟之怪劇。均已一演復演。雖民氣屢次戰賦凱旋。民國日月。得一再重光。差堪自慰。然國勢常在飄搖風雨之中。自督軍團強迫黎黃陂。下第二次解散國會命令以來。南北迄未統一。乃觀北方最近之經營。似抱定剛柔相濟。寬猛並施之主義。故和也戰也。雙管齊下。而不以為矛盾焉。然吾以為是非釜底抽薪。解鈴繫鈴之法。國會問題。一日不解決。不論和戰。鮮能有效。恐來日大難。將無已時。騷亂之局。尤甚於今之俄羅斯。而難免速國亡之禍。則惟希我國南北要人。全國人民。各以俄羅斯革命中。發見之各種因果。為前車之鑒。及早覺悟。而各犧牲一切。以保存國家命脈於萬一。俾不使後人之哀中國。如不佞今日之哀俄國焉。幸甚幸甚。

已完

傳記 創立傳信會女士保利納瑪利亞若利各傳畧續 希 望

第三章 活玫瑰經會

(按活玫瑰經會之組織法以十五人為一班每人每日念玫瑰經一端合之成十五端今中國尙未有此組織)

保利納自脫離傳信會職務後。期望罪人回頭悔悟之心。益形迫不及待。此活玫瑰經一事業之所由創也。渠嘗自述曰。余時時求主。以其聖血苦難。及其居祭臺上與普愛世人。寬恕惡人。免施懲罰。而感化拯救之。蒙主鑒其誠。賜余獲償此救靈切願。而有活玫瑰經會之組織焉。此會

創立於一千八百二十六年。適值聖年大赦時也。初余嘗聞玫瑰經之奇蹟。深望倘能鼓吹衆人。熱心念誦。必能平息主怒。而惡人之靈。可得而救也。因見會友聚集時。欲將一物。遍分各會友。務必由數人。轉分數十人。而又普及各人。遂思卽假手此輩。傳達行日念玫瑰經十五端之功。法以十五人爲一組。每人每日念一端。合之卽得十五端。於是聖多明我之玫瑰經冠以活字。頓覺別開生面。萬人爭誦。洵爲衆人之一服清涼散也。

方此事業之始也。亦如傳信會。幾經波折。幸因巴黎教皇欽使郎勃呂斯希你樞機之力。邀得教皇良十二之贊助。於是活玫瑰經會。遂一時風行全球。傳佈至速。儼如天上網罟。籠絡億萬忠誠懇摯之心。咸歸向主榮也。蓋保利納之初心。以爲活玫瑰經會者。卽爲仁愛與祈求之公共傳行。惟此能救普世衆靈。其後教皇良十三。普告天下信友。熱心念玫瑰經。視爲際此危難之秋。唯一救靈之善法。而不知五十餘年前。保利納早已思及矣。

一千八百三十一年。活玫瑰經會。已創立五年矣。教皇額我略十六。下旨大爲稱許。惟此第一次諭旨。不幸中途被阻。一千八百三十二年正月十六日。乃下第二次諭旨。二月二日。又下第三次諭旨。皆自羅瑪發與奔特罷華矮壤之本堂神父。囑其轉交保利納親收者。此時渠適抱病。延至一千八百三十二年十月。始往領取。於是將此二次諭旨公佈。而活玫瑰經會。遂按章成立。以郎勃呂斯希你樞機爲保護人焉。

非來矮斯若利各効力於仁愛會病院。已二年矣。一千八百二十七年。奉調派往利翁。天主大病院。任哀矜司鐸。院中看護姑娘。係屬於地方官管轄。渠見若輩處境。險象環生。乃卽設一初學院。其院規現今尙採用者。三年之中。鞠躬盡瘁。不辭艱難困苦。遂致犧牲性命。時一千八百三十年二月二十六日也。年三十有三。彌留之際。猶殷殷以院中病者爲念。謂死後必葬我於病者之中。猶言醫院中也。

一千八百三十年。革命事起。於是天主病院中。凡昔日非來矮斯在院時。所竭力除去之積弊。因復恢復如前。初學院院長。則謹守非來矮斯之遺訓。遂偕修女若干人引去。保利納追念其兄。頗以若輩爲懷。乃以拉魯物士之一僻靜之室居之。且爲付膳宿費。未幾。保利納染一不治之症。性命危在旦夕。時方寄宿於四旗街修女處。後彼之所以能得慶更生者。未始非活玫瑰經會友祈禱之功也。一千八百三十一年三月。保利納病體已愈。乃思創立瑪利亞女子會。然未着手前。赴亞未農。聖母往見會。行避靜神工。覺進會之願甚決。然領避靜神父曰。勒諾爾者。耶穌會會士也。沮之。謂渠在世俗。更能竟成主旨。保利納從其言。遂復居世俗中。不復作出塵想矣。

一千八百三十一年十一月。保利納復從勒諾爾神父之言。使居於拉魯物士之看護姑娘。返歸利翁。彼等以十一月二十一日抵利翁。是日城外女工。適發生暴動。甚形激烈也。當城中爭鬪方酣。保利納與姑娘輩。禱於甫爾未哀爾之聖母小堂。渠意卽居姑娘等於此。而爲聖如斯忒一區。

之貧窮者。設一普育堂。名之曰：納匝肋。其長姊班冷夫人促之買一巨址。坐落甫爾。未哀爾。山坡小堂之下。保利納辭之。然恐逆聖母意。乃求聖母默示其意。後遂購置此屋。而獻之於聖母。名之曰：勞來忒。書其門曰：瑪利亞無原罪之始胎。為我等祈。一千八百三十二年八月二日。保利納進勞來忒屋。近斯主教准許設一小堂。九月七日。聖母玫瑰瞻禮。迎我主入居此室。活玫瑰經會。既得宗座諭旨批准。保利納即於勞來忒治理會務。雖長日忙碌。仍撥冗往晤其父於鄉落。蓋其父時鄉居也。然其身體尚不甚健。病魔不時相擾。而每病必劇。一千八百三十四年四月。又大病。幾不起。已領終傳聖事。而後竟痊愈。蓋亦奇矣。是時利翁女工復生暴動。自四月九日起至十四日始已。先後凡五日。先是保利納為避炮火計。不得不匿居地窟中。於是身臥床上。手抱吾主所居之聖體龕座。由他人昇往地窟中居住。凡四晝夜。禱主未嘗稍輟。雖身在床褥。行動不能自由。然病不加重。反見起色。暴徒既敗。僅見牆上洞穿數處。幸均小有破壞。祇須稍加修葺。損失殊不大。人以為奇。保利納曰：我輩雖處鎗林彈雨之下。計共四日。實託庇於天主保護之下。由此可見。數月後。重興法國天主之聖若望修士會。瑪加隆神父返自羅馬。往晤保利納。道及聖女斐落。默納贈以聖女之遺物一。及其行實。保利納由是滿心依恃。此童貞致命聖女。亟行聖女九日敬禮。行敬禮時。數瀕於死。繼之以第二次敬禮。稍得一綫之希望。然仍危在旦夕。一千八百三十四年十二月二十六日。其父盜刀矮納若利各卒於鄉。保利納夙嬰疾病。淹滯床褥。

傳記

創立傳信會女士保利納瑪利亞若利各傳畧

一百九

竟不能奔喪前往親視屬續也。

第四章 羅瑪旅行 聖女斐落默納之愈病

保利納病勢自乃父歿後仍未見起色。諸醫棘手。僉謂性命難保矣。渠乃決赴羅瑪。覲見教皇。左右尼之不從。渠且欲赴米。虐諾求治於聖女斐落默納。以朝巴來勒木你矮爾爲辭。遂偕一女伴乘轎車登程。詎竟安抵巴來。出乎醫生意料之外。時正五月初也。畧居數日。復自巴來至曉。倍利雖已病甚。然仍能續程前進。以五月杪抵勞來。武留九日。赴羅瑪。以瞻禮五聖體瞻禮日。至是日。保利納第一次望見教皇。額我畧十六時。值行迎聖體大禮。教皇手捧聖體。坐於御轎中。保利納見教皇淚流不止。後因病甚。不克赴教皇宮內覲見。教皇乃勞駕就見。保利納於蒙之天主聖三修院。Couvent de la Sainte-Trinité du Mont。教皇見其狀。謂之曰。倘至天國。當爲朕求主。保利納答曰。諸謹聞命。然苟余得自米。虐諾。返步行至華諦岡者。請陛下卽着手調查童貞致命斐落默納。列入聖品可乎。額我畧十六應之曰。唯唯。我女。是卽第一等聖蹟矣。

時當七月。金風未起。炎暑未消。保利納不顧火傘威燄。復往米。虐諾。朝聖女斐落默納之墓。八月八日至。爲聖女瞻禮之前一夕也。居民見此可憐垂死之人。不遠百里而來。相與贊歎曰。此傳信會及活玫瑰經會之創立人也。聞者莫不感動。翌日爲瞻禮日。病人處聖墓之側。至領聖體時。渾身痛苦。不可言狀。心顫肉跳。力漸不支。身臥大椅。面現死容。人欲舁之去。而渠信望彌堅。作

勢示人不願去此。噫！天主全能哉！垂暝之目，淚下如雨，而已冰之體，復爲熱氣所透，面色翻紅，未幾而病竟霍然矣。第病魔雖去，渠尙未敢以此告人，恐人疑其妄也。而兩足之力，猶未全恢復，故仍由人舁去。明日八月十日，聖體降福後，覺更有力，遂俟堂中無人後，試步至堂門，覺步履頗輕，遂竟復自堂門，徒步直抵距離頗遠之寓所，且拾級登梯，而達其室中焉。

保利納此次得慶更生，謂非聖蹟而何？願當管理聖物，長偕數人來訪時，渠猶未敢遽發表，而管理長之來訪也，聞渠獨行歸宿，欲一問虛實，既得其實，遂使人鳴米虐諾，請鐘報告，因聖女斐落默納轉求而得之新聖蹟，於是令保利納行種種之試驗，渠即行之，畧無難色。明日復以艱難之行動，一再試之，蓋欲詳察其病之果愈否也。居米虐諾數日，乃別聖墓，攜聖女之特別聖物而去。

保利納少住於拿玻里府，其病愈之事蹟，早已風聞彼都人士矣。總主教親於教皇特派二西西肋欽使費辣底的主教，前令其致敬聖讓孛亞略之血，迨至羅馬，已健康如恆，未以其病愈告教宗，額我畧十六，遽造華諦岡，覲見教皇，驚曰：「此非朕親愛之女乎？返自墳墓，歟！抑豈天主特表彰童貞致命聖女之能力歟？」保利納答曰：「是小女也。是卽陛下二月前所見瀕死可憐之利翁小女子，亦卽聖女斐落默納所垂憐而拯救者也。小女既獲聖女再生之德，伏乞陛下垂允小女爲恩人，興建一小堂之願。」教皇曰：「我女，此當然之理也。」教皇垂詢病愈情況，無微不至。

且驚且喜。遂命保利納往來於華諦岡大廳中。以觀察其健步否也。保利納既而稍止步。則又藹然謂之曰。更行更行。行更速。朕欲確知朕目前者。非異域之鬼。實爲甫爾未哀爾山坡。朕親愛女兒也。禮教皇前行走。不能背教皇。當保利納往來步趨於廳中時。掌禮者責以無禮。教皇額我畧十六笑曰。噫。毋拘此禮也。天主爲彼不知作幾許越規事矣。教皇待保利納慈惠有加。留之羅瑪約一年。以便詳考聖蹟也。比返保利納建造一敬禮聖女斐落默納小堂。以酬所願。堂建於勞來忒地址內。然在聖巴爾多祿茂之山坡。所以便大衆也。一千八百三十七年。行祝聖開堂禮。未幾矮爾斯之本堂神父真福維雅納來訪保利納。爲述其病愈之奇蹟。真福聞之大爲感嘆。敬聖女斐落默納之心油然而生。保利納因神父之請。以渠第一次所得之聖物贈之。矮爾斯之敬聖女斐落默納乃自是始。而此熱心本堂神父者。呼聖女爲彼可愛之小聖女云。一千八百三十九年五月。保利納重至米虐諾。作謝恩九日敬禮。於聖女斐落默納之墓返。道出羅瑪。再謁教皇額我畧十六。及其保護人。聲望卓著之樞機郎勃呂斯希你。教皇復慈善接之。許以特別覲見數次。一千八百四十二年。福而朋若松主教至利翁。晤保利納。述彼創立聖嬰會之切願。保利納示彼對於創立是會組織之意見。惟與傳信會迥異。卽於信友子女中。每月募捐銅元一枚。以濟彼等小兄弟之受其親凌虐者。今人對於聖嬰會。莫不嘖嘖稱譽。而不知此會之創立。保利納實大有

力焉。彼發起創立之福。而朋若松主教。及其繼任之若末斯神父。嘗感念保利納不置。是則不可不表而出之者也。

一千八百四十三年五月三日。保利納之長姊沙非班冷。於納匝勒甫爾未哀爾聖母大堂之側。去世。享年五十四歲。保利納悲哀殊甚。蓋沙非者。富有經驗。飽經閱歷。常臂助其妹者。保利納一旦失其姊。不啻折其一臂矣。

未完

教育叢談

僉載 教育類筆記（續上期）

（六）誠心準備。準備者。教師最費心思之時刻也。然不準備。則困苦倍之。準備而不用心。徒草草了事。則教授時。未有不忙亂者。嘗憶曩時。於授課前。或貪圖談話。忘却準備。或書寫信件。不忍擱筆。及鈴聲一響。乃草草上課。爾時心思不定。手足忙亂。加之班次又多。時間有限。顧此失彼。艱窘之狀。十分難受。自此以後。深知準備之重要。

（七）學生自動完畢。批評訂正時。當誠心敬事為之。指導方能收效。切不可有厭倦心。敷衍塞責。惟生徒過多。教師有精力不濟者。抽暇行几間訂正亦可。

（八）注意一年生。欲養成善良之習慣行為。宜於初學年。特別注意。若於初年。生不甚關心。迨其不良之習慣行為已成。雖欲再行矯正。收效亦良不易。然對於初年。生要求過多。亦非所宜。須

量其能行能守者。方可施之也。教師與初年生聯絡感情之時間。必較他年生爲多。方能收效。蓋感情者。教授之前導也。感情一好。雖不規則之命令。彼猶服從。况導之以規則。獎之以美名乎。

(九)活潑而有秩序。終日呆坐。與兒童心身之發育。固屬有碍。然活潑過當。則易凌亂。在操場則不雅觀。在教室則有碍教授。故遵守秩序。爲形色上壯觀。亦卽爲精神上消除障礙也。細考難守秩序之兒童。大半屬一年生。卽教室內言之。一年級兒童入學之初。既無自動力。而反富於活動性。無自動力。而按課程強使之自動。是欲事之就秩序。實欲使之擾亂秩序也。若以其無自動力。而不使之自動。然彼以富於活動性之時期。亦斷不能安然靜坐。無所事事也。此教室內之秩序。求之初學兒童。誠屬困難也。無已。必有優良之助教。善爲指導之則可。

(十)學生服務。欲使兒童常守秩序。非由其同伴中選派級長。代爲管理不可。蓋教室內收發各組公共用具。及下教室時。監督各組之排除出入。皆仰賴此等兒童。先事預備。臨時指導也。惟對於此等兒童。亦須有獎勵懲罰方法。始能行之持久。有效可觀。

(十一)訓育兒童。訓育兒童時。言語不宜純用莊重的。宜參用柔和的與滑稽的。訓育之時間。不宜純在室內。宜多行於課畢休息時。操場遊戲時。其他郊外旅行時。訓育兒童。有時雖可當眾發表。尤當多行暗處個別的。

三 學生成績考查法

成績者。教授之目的也。有教授而無成績。如樹桃李而不結果也。然考察成績之法不善。則易致作偽。甚至無成績可觀。此學期試驗與月終試驗。必須廢除。而當注重平日試驗也。平日試驗之法。如每日所授課業。每日即當考察其能明白了解與否。記憶正確與否。此時考察。決不可使之含糊過去。蓋一經含糊。恐師生養爲習慣。則成績仍屬卑下。故凡生徒有含糊者。寧可重複再授。不可輕輕撇過。或謂如此辦法。爲教師者未免太苦。然勞而有功。教育家之樂事也。

四對於學生在校外應注意事項

(一) 家庭狀況。(甲) 職業。(乙) 貧富程度。(丙) 兩親有無。(丁) 婢僕有無。(戊) 兩親及家族之性癖。(己) 兒童養成之性癖。

(二) 兒童在家時之狀況。(甲) 家風之情狀。(乙) 遺傳性情疾病。(丙) 作業學習各項之狀況。(丁) 素日食量及嗜好物。

(三) 兒童在社會上之狀況。(甲) 常在何處遊玩。(乙) 常與何種兒童相處。(丙) 有何習尚。(丁) 其影響有益或有損。

已完

實驗 (一) 兒童個性觀察法

一 注意之點 個性之構成。其源有二。一由於先天的遺傳。名曰賦稟。一由於後天的影響。名曰

經驗。賦稟之中。其關於感情者。謂之氣質。分四種。曰多血質。神經質。膽汁質。黏液質。前二者。為屬於感情之氣質。後二者。為屬於活動之氣質。人之性質。純粹屬於何種者甚少。有二質或三質混合者。亦有四質混合者。四質各有特別之長處及短處。約舉如次。

甲多血質

長處 快活。爽利。圓滑。敏捷。機智。順慈。親暱。
短處 輕薄。放恣。狡猾。傲慢。偽飾。無恆。

乙神經質

長處 堅忍。馴謹。細密。嚴肅。明事理。富思考。
短處 懦弱。悲苦。妒忌。疑惑。偏頗。

丙膽汁質

長處 果敢。剛強。敏捷。公明。高尚。直摯。
短處 粗暴。傲慢。殘忍。固執。狂妄。

丁黏液質

長處 沈潛。圓融。忍耐。肅靜。恭儉。平穩。
短處 頑鈍。怠惰。冷淡。枯寂。簡陋。

二考察之法 約舉如次。

(甲) 身體觀察

- (1) 筋肉緊張。肥滿合度。紅頰秀眉。手足敏捷。髮粗而澤。言速而當。氣概活潑。微露輕薄。好動惡靜。故厭喜新。善哭善笑。此多血質兒童之特性也。
- (2) 顏色蒼白。形容暗淡。軀體瘦弱。目光尖銳。筋肉細小。步履沈著。言語多怨刺。行為多奇異。好寡獨。多猜忌。此神經質兒童之特性也。
- (3) 骨強而勁。肉韌而堅。頰骨隆起。目光如炬。齒闊而整。髮粗而黑。具勇拔之容。有豪強之氣。步履豪邁。

吐辭莊重。能耐久。多衝突。此膽汁質兒童之特性也。

(4) 體格疲弱。肌肉腫痛。下腹垂垂。體多脂肪。顏色青黑。眼光呆鈍。步履遲緩。言語支離。口涎鼻涕。居室皆是。性情疎懶。思想簡陋。無熱心。無毅力。此黏液質兒童之特性也。

(乙) 言語觀察

兒童平日言語。皆發表其思想及感情。皆可藉以知兒童心意。或善或惡。又以問答調查兒童智識。普徧與否。例如問父之父為何。父之兄弟為何等。

(丙) 行為觀察

兒童心意之動作。及智識之增進等。皆現於行為。例如兒童見刀火等危險之物。欲玩弄之。若與以球。彼即手舞足蹈。而不思刀與火矣。蓋斯時祇有持物之欲望。而無一定之目的也。及年稍長。則動作有一定之目的矣。如欲得一瓶而與以球。則反不愉快也。

(丁) 繪畫觀察

使兒童自由繪出心中所思之事物。逐年保存其成績而比較之。可以考察心意發達之順序。男女好惡。亦往往顯然不同。如女兒喜繪家屋及裝飾品。男兒多繪軍人刀劍等。

(戊) 文章觀察

命題須使兒童有自由思考發表之餘地者。勿授意。勿拘束。例如：試述吾所愛之教科及其理由。
：我所敬仰之古人、等。

(己) 實物觀察

羅列各種實物。如文具玩具及衣食用具等。使兒童隨意取玩。藉知其心性之好惡。

按人性本不同。教育貴能變化氣質。留其良者。去其不良者。而欲臻此地步。則當就各個兒童之特性。施以個別之陶冶。古人所謂因材施教是也。婦女雜誌四卷一號中。載有觀察兒童之個性法一篇。言之頗詳。洵為小學教師不可不知者。因節錄如上。以備參考焉。

(二) 教授要訣 (國文科) 一總綱

- (1) 讀法、話法、書法、綴法、互相關聯。讀法、書法等分別教授者。遇適當之處。亦當使之覺悟。
- (2) 發音言語。勿忘與文字文章相關聯。
- (3) 除理會發表熟練外。又當涵養其趣味。(文藝教育)
- (4) 本鄉土不普通之發音與言語。宜極力矯正。
- (5) 國語之材料。不限於教科書。凡書籍新聞雜誌書簡廣告演藝等。皆能影響於兒童。當察其利害與關係而利用之。

二分目 (甲) 讀法

- (1) 因教材而以復習為新教授之預備者甚多。
- (2) 讀法當以正確為目的。且使兒童多誦讀為宜。
- (3) 摘書非僅限於新出文字。即切要之文字美句等。亦可摘出。
- (4) 從教材之性質。而斟酌教授之方法。
- (5) 對經誦讀之言語發音。須明正不可偏僻。
- (6) 範讀不可澁滯。(教師須預行練習)
- (7) 講義有二種。直接拘泥於字句者。曰直解。採意而離語者。曰意解。二者均為必要。而意解尤

要。講義與誦讀。兩者相輔而行。惟不可陷於講釋體。

- (8) 幼年兒童。可用齊讀法。但當因教材而用之。
- (9) 宜利用教科書之插畫。其隨時繪畫時與讀法須聯絡。(黑板及筆記簿等)
- (10) 會悟全篇大意之後。再須連讀一二回。
- (11) 筆記簿宜備於座右。凡默書書寫圖解等。可多用之。
- (12) 有時可全離讀本。而為談話書寫。
- (13) 初學年之學生。併行庶物之直觀教授。
- (14) 因教材因事。故而可行諳記諳誦。
- (15) 注意於審美趣味之開發。
- (16) 有時於教科書以外。示適當之美文普通文讀之亦可。
- (17) 小黑板須利用。
- (18) 有諳誦之價值者。以此為課題。而使兒童歸家後練習。

研究 目的指示

一目的指示之主眼凡三。

甲屬於知的方面 以觀念之整理為主。

教育叢談 .. 實踐

乙屬於情的方面

使其對於教材為適情之心應的準備。

丙屬於意的方面

對於教材之注意集中。

二目的指示之形式約舉如左。

甲設問的

適用於啓發法及思考的推究的教材之處理。

乙課題的

適用於自習的教法及練習教材與創作教材。

(以上二種特優之點為可導兒童於研究的態度)

丙肯定的

適用於教示法及記述的教材情操的教材之教授。

三目的指示之方法以具體的簡約為最要。

除以上三事外其最要者為態度語言是也。

按是篇節錄教育雜誌目的指示即一單元教授案中每次教法之目的指示參觀本雜誌本年第一期本欄二十三頁至二十五頁。

範作 記熱茶與冷茶

天門模範兩等小學女學生

黎系芳作 昔嘗聞之師曰水熱則輕而上昇冷則重

而下。降吾初未以為然也。

一筆翻起文勢不平

一日以冷茶半盃加熱茶於其上而飲之。盃面固熱茶也。飲

至半則仍冷茶耳。乃復取熱茶半盃而後以冷茶加其上飲之。則上下溫度適勻。並無差異。始信水之果熱輕而冷重熱昇而冷降也。蓋冷茶在下而仍冷以熱者之輕而浮於上也。冷茶在上而

適。勻。以。冷。者。重。而。下。墜。熱。者。輕。而。上。騰。遂。互。相。融。和。也。詎。吾。妹。聞。吾。之。言。而。往。試。之。再翻起更覺天發則殊有大謬不然者。與吾之所試。成爲反比例矣。乃同往質之於師。師命妹將所取之二茶。另以兩盃。盛而嘗之。以告吾姊妹曰。汝等僅知水熱上而冷下。不知水淡輕而鹹重也。此熱者爲鹹。茶冷者爲淡。茶加熱。鹹茶於冷淡。茶之上熱重而冷輕。故易勻和。加冷淡。茶於熱鹹。茶之上冷輕而熱重。故不易勻和。分風劈流。開發無遺。向之所取者。必鹹淡同等之茶。是其所以有異也。若歷時稍久。則無論如何。其冷熱鹹淡。皆調勻矣。此但能就其初加入時辨之也。吾輩聞師言。始恍然。因記之以備忘。就事直敘。自有波瀾。記事文。能不平衍。固自不易。

按是篇轉錄小學作文入門。爲記述兼議論體。見說明書第二編第五章第四節。附諸文。新項羽本紀贊（轉錄某報。太史公曰。我聞之先人云。項羽在位五年。今項城亦在位五年。袁豈項之苗裔耶。何興之暴也。夫清失其政。武昌首難。豪傑蠶起。相與并爭。不可勝數。然項城利用千載一時之會。起隴畝之中。一年遂命諸將軍克敵。分封天下。授以節鉞。政由袁出。權集總統。位雖不終。近古以來。未嘗有也。及其改制籌備。欲竊帝號。以自娛。怨諸將叛己。自矜功伐。奮其私智。而不師古。謂帝王之業。欲以力征。經營天下。五年卒隕其命。身死新宮。尙不覺悟。而不自責過矣。乃引天亡我。非稱帝之罪也。豈不謬哉。

按是篇爲諸文之仿作體。全篇語氣自然。不露斧痕。固自不易。小學生仿造作文。可藉此爲舉。

一反三之助。自漸尋獲興味。仿造法。見說明書第二編第五章第二節。

雜俎 婦女雜誌四卷一號。載有新遊戲術四則。頗有趣味。並能為兒童教育之一助。茲轉錄如次。以備小學師採用實施焉。

(一)補字(甲)方法。兒童各給以白紙一方。鉛筆一枝。每張各書一偏旁字。或字之一部份。如彳、亻、艹、亠等。謂之紙。曰上所書。不成為字。爾等各出心裁。補成一字。限五分鐘交卷。補成之字。最多而無謬誤者。獎以課業用品。○例如紙上各書汁。可補作沐淋沫洙淨等字。又如書亻可補作倍信位倚依仿倂倂俯伉儷住隻進等字。其他類推。

(乙)效用 一、啟發思想。使知活用。二、增進其識字記憶力。三、練習競爭。使其腦筋感覺敏捷。注意 舉行時不得翻字典。或他種書籍。

(二)記物 (甲)方法 桌上置零星瑣屑物事數種。或十數種。務必日常所見所用者。同時一物有數件者。上覆以布或紙。不許他人窺視。兒童各給白紙一方。鉛筆一枝。使兒童環列案之四周。然後將蓋揭去。准兒童詳細觀察半分鐘。或一分鐘。再行蓋上。使兒童各將觀察所憶之物名件數。悉書於紙上。先交卷而所書最多。且無誤者。獎以恩物。○例如所置者為鉛筆一、橡皮一、繪圖釘一、鍼一、郵票一、紙條二、樹葉一、銅元三、銀角二、小錢五、小刀一、毛筆二、等等。

(乙)效用 練習其記憶力。并使思想一貫。不致凌亂或遺忘。

注意 兒童環列案之四周時。人數不可過多。且須各人視線毫無妨礙。又舉行此事。須視兒童之程度。至少須在初等三年以上者方可。所放各件。宜配置得當。勿過繁瑣。

(三)應對如流 (甲)方法 紙條數十張。每張各書問題。須極平常。極淺近而有趣味者。命兒童排列成行。謂之曰。吾今有種種問題。請你等來替我解決。所有問題。都寫在紙上。先回答而無誤者。即以該問題紙條與之。俟解決後。得紙條最多者。受上賞。○例如所書問題。爲你今年幾歲。今年是民國幾年。今日是何日。這裡共有幾個人。孔子是那一朝人。那一個先說話。你的兩隻手在那裡等等。

(乙)效用 練習聽覺真切。思想敏捷。應對如流。不假搜索。

注意 題之難易。視兒童之程度而定。又應答時。兒童必喧譁叫喚。爭先恐後。頗難辨別。故須管理得其法。有條不紊。不致謬誤難決。致陷不公。 未完

記事 (一)江蘇教育廳 本省教育廳業已於民國六年十二月組織成立。分設三科。

(二)江蘇檢定小學教員委員會 本省省長公署前附設之檢定小學教員委員會。業已裁撤。由教育廳另行組織。已告成立。

(三)江蘇檢定小學教員試驗日期 本省小學教員第一屆試驗檢定前經省長公署規定於民國七年即本年一月開始實行。現教育廳以各縣應送文件尚未送齊而審查亦需時日特呈請省長公署轉咨教育部將第一屆試驗日期准予展緩三月即於四月實行云。

(四)江蘇道視學裁撤 本省省長公署第五千五百七十七號訓令云(上畧)現在蘇省教育廳業經成立(中畧)應自七年一月一日起將各道視學一律裁撤(中畧)道視學裁撤後應於道尹公署暫設道教育行政委員。

(五)浙江全省勸學所長會議 浙江全省七十五縣勸學所業均成立於上年十一月二十四日開全省勸學所長會議

(六)浙江籌設小學教員研究會 浙江教育廳伍廳長近訓令各縣知事云(上畧)查前巡按使公署會通令各縣有假期小學教員研究會之設本廳長即遵循此旨定為通常置設(中畧)亟應通飭一律舉辦云(下畧)

(七)職業教育 滬上教育界鉅子於去年發起創設職業教育社提倡職業教育會畧誌本雜誌上年第十期教育叢談僉載門(四百五十至四百五十一頁)該社定名中華職業教育社已於去年十月呈准教育部備案現共有特別社員二百餘人普通社員四百餘人事務所仍暫設江蘇省教育會內已依照預定辦法積極進行云。

近事 羅瑪之部

○羅瑪掌理修院及大學院部傳諭屬下修院及大學院擬自一千九百十八年一月另行編輯新律撮要索引。又傳諭謂復活節之四規神工聖體降福婚配之在封禁期內。大瞻禮定期。大小齋期之實行。樞機大臣之曠典。皆遵新律規制。刻日有效。○去年法。公教教務年鑑。三十張起至三十七張止。登有諸聖升天年壽表。頗足令人注意。前有小序。謂此聖人升天年壽表。掛一漏萬。大有缺點。未列真福品及聖品之聖人聖女。不得列入此表。即列品之聖人聖女。其名字見諸通行致命傳。而其年壽無從可考者。又居大半。蓋教宗吳爾葩諾第八願諭制定列品規律以前。列品諸聖人聖女之年壽。往往疏忽。不加細考。其年壽確實者甚少。茲將確實之年壽列下。一歲至二歲。諸聖嬰孩。為吾主致命。為黑落得殺死者。十二月二十八日瞻禮。凡諸領洗之孩童。一二歲死者。皆在此數中。三歲。聖西耳致命。St. Simon Innocent 六日。以下所稱某月某日。皆指明為聖人之瞻禮定日。聖西滿意諾森致命。St. Simon Innocent 一千四百七十二年三月二十四日。耶穌受難瞻禮本日。為猶太人殺死。四歲。聖安多能致命。St. Antonin 九月七日。聖弗勞碎耳致命。St. Florentin 九月十七日。五歲。聖落多爾拂致命。St. Rocolphe 四月十七日瞻禮。六歲。聖灰理克斯致命。St. Felix 九月五日瞻禮。聖毛代斯脫。聖阿毛納二位致命。St. Modeste, St. Ammoné 二月十二日。七歲。聖塞耳耳致命。St. Saise 一月九日。八歲。聖儒斯定致命於巴黎。St. Justin 八月八日瞻禮。聖罷呂拉致命。St. Valentin 十一月十

八日。聖格老奪及多數孩童致命。St Claude 六月三日。九歲。聖儒斯德致命。St Juste, martyr
 Beauvais 十月十八日。聖伯利底地因致命。St Prichien 一月二十四日。十歲。聖呂特爾。St Ludre
 十一月一日。聖納味洗恩。St Némésien 十二月十六日。瞻禮。聖女貝拉熱。St Pelage 六月二十六
 日。聖女望德。St Espérance 九月三十日。十一歲。聖偉烈爾莫諾爾維致命。St Guillaume de Norwich
 三月二十四日。聖呼葛林各爾納致命。St Hugues de Lincoln 十一月十七日。瞻禮。真福西默盎諾
 埃致命。St Siméon Noé mort 十二歲。聖女歐辣利。St Eulalie 十二月十日。聖女信德。St Foy 九
 月三十日。聖女塞公德致命。St Seconde 七月三十日。瞻禮。聖茄爾年致命。St Garnier 四月十八日。
 聖女亞基勒納致命於幣伯勞。St Aquilène, mort à Hylios 六月十三日。十三歲。聖女依溺斯童
 貞致命。St Agnès 一月二十一日。聖女依寐耳達童貞。St Iméda 五月十二日。聖女潑利斯克
 St Prisque 一月十八日。十四歲。聖龐克辣司致命。St Poncrée 五月十二日。瞻禮。聖女歐辣利
 童貞致命。St Eulalie, v. m 二月十二日。聖撒拉底埃耳致命。St Sathnel 四月十四日。十五歲。
 聖龐底格致命。St Pontique 六月二日。聖納奧斐德致命。St Néphylie 一月二十一日。聖亞加比致
 命。St Agnès 八月十八日。聖亞立山致命。St Alexandre 七月十日。十六歲。聖女特尼斯童貞
 致命。St Denise 五月十五日。十七歲。巴點城聖喜辣戀之女。聖女亞勃爾童貞。St Alna fille
 de St Hilaire de Poitiers 十二月十八日。維德耳勃城之聖女露撒童貞。St Rose de Vierne 卒於三月六

日。瞻禮移於九月四日。十八歲。聖達尼老各斯加耶穌會。St Stanislas Kostka 卒於八月十五日。瞻禮移於十一月十三日。魯森蒲爾之聖伯多祿。St Pierre de Luxembourg 七月五日。聖女儒利亞納。童貞致命。St Julienne 二月十六日。十九歲。聖女加大利納童貞致命。St Catherine 十一月二十五日。聖勃納在牧童。St Benzet, berger 四月十四日。聖亞比蔭。St Appien 四月二日。福女若翰納。達爾格童貞。Bse Jeanne d'Arc 一千四百三十一年五月三十日。瞻禮行於五月三十日。二十歲。加馬利埃耳之子聖亞幣蓬。St Aulhon, fils de Gamaliel 八月三日。聖勃雷齊耳。St Basille 一月二十二日。聖若翰亞當致命。St Jean Adam 二十一歲。聖若望加利幣德隱修。St Jean Calysire 一月十五日。聖若望伯爾各滿耶穌會。St Jean Berchmans 一千六百二十一年八月十三日。升天。瞻禮行於八月十三日。二十二歲。聖婦俾爾俾多致命。St Perpetue 三月七日。聖女熱爾孟納。哥仁童貞。St Germaine Cousin 二十三歲。聖類思都魯士主教。St Louis, évêque de Toulouse 八月十九日。聖女埃地德童貞。St Edith 九月十六日。聖女貌祿。St Mauré 九月二十一日。聖女歐瑟。庇童貞。St Eusebie 三月十六日。二十四歲。聖類思公撒格耶穌會。St Louis de Gonzague 六月二十一日。聖女依撒伯爾匈牙利國后。St Elisabeth 十一月十九日。二十五歲。聖加西彌爾國王。St Casimir 三月四日。聖瑪爾公第四國王。St Malcom IV 聖司褒西伯聖歐婁西伯聖梅婁西伯三人孿胞弟兄。St. Spensippe, Eleusippe, Mléausippe, frères jumeaux 一月十七日。二十六歲。聖

伯辣濟達及其同志。St Placide 十月五日。二十七歲。聖額我畧第五教宗。St Grégoire V. pape
 二月十八日。眞福安德肋基要致命。= André de Chio 五月二十九日。二十八歲。聖亞弟森致
 命。St Anne 九月八日。匈加利之聖婦瑪加利大苦節。St Marguerite de Hongrie 一月二十八日。聖
 女厄德維熱。St Hedwige 二月二十八日。二十九歲。聖西熱倍耳。St Sigebert 二月一日。三
 十歲。聖埃末利克。St Eméric 十一月十四日。聖女歐弗辣西童貞。St Ephrasie 三月十三日。聖
 女沙斐亞致命。St Sophie 九月十九日。梅司城之聖女格老西納童貞。St Glosine 三十一歲。
 利瑪城之聖女露撒童貞。St Rose de Lima 八月三十日。聖女方登納童貞隱修。St Fontaine 二月
 十三日。聖婦雅瑪耳倍爾熱苦節。St Amalberge 七月十日。三十二歲。聖若翰保弟斯大致
 命。St Jean Baptiste 八月二十九日。聖羅閣精修。St Roch 八月十六日。聖婦維耳拂脫呂特苦節。
 Sie Villrade 十一月二十三日。三十三歲。聖女加大利納瑟納童貞。St Catherine de Sieme 四
 月三十日。聖女亞爾特公特童貞。St Aldegonde 一月三十日。聖女依擲斯童貞。St Agnès 四月十
 九日。聖女日多達童貞。St Gertrude 三月三十日。三十四歲。聖本篤若瑟辣勃爾乞丐。
 Benoit-Joseph Labre 一千七百八十三年。聖若望達脫聖彌額爾米。St Jean Dal. et Michel Mi 一千八
 百三十八年八月十二日。三十五歲。聖尼各老達脫兵卒。St Nicolas Dal 七月十八日。聖方濟
 各地亞士致命。St François Diaz 九月二十八日。

未完

本國之部

○北京 一月十五日。外交陸徵祥總長特設盛筵。款邀京師林大司牧及各國大員。席間議論風生。賓主歡然。○京師西城帝王廟附近。新建中央醫院一所。已誌本報上期。一月二十七日。該醫院舉行開院禮。上午九時起。院門前車馬已不絕於道。嗣後來賓陸續彙集。於十時奏樂開幕。計中外男女來賓。約六七百人。當由首席董事曹潤田總長。派代表章蒞生君。報告本院成立情形。復由大總統代表王振堯君。恭行開幕禮。並代致訓詞。次由院董施省之君演說。以總統贈與之匾額。揭示衆人。上書壽寓同登四字。繼由醫監伍連德君。操英語演說。次爲來賓演說。京師林主教。孫寶琦君。外交陸總長。管理法。國醫院醫士等。先後演說。終則導引公使團男女來賓。中西各醫院院長。政界各要人。次第參觀。咸稱譽不置。蒙古王公及清室內務府。亦均來參與開幕禮。頗極一時之盛。茲復將該醫院歷史內容大概情形。略述如下。該醫院之創始。係由曹汝霖。朱啟鈞等所發起。建築開辦等費。悉出自慈善家之捐助。建造樓房三級。能收容病人四百餘名。病室分爲特優等。優等。頭二等。普通等室。皆設有看護婦。其第三級樓房室外。復有曬臺兩處。分列樓之東西兩端。以便病人眺望。吸收空氣。其他如標本室。割療室。牙科室。眼科室。診病室。浴室。察菌室。應有盡有。設備周到。爲北京醫院之冠。凡京內有名之中外醫生。現已聘有三十餘員。惟開診日期。須在二月中旬。院內職員。分爲院董。醫監。各科醫員。藥師。看護長。看護人。文牘員。會計員。庶務員。等名稱。此中央醫院歷史及內容之大概情形也。又二十七日。上午

一 千 九 百 零 八 年 陽 曆 三 月

六時。該醫院小聖堂內。行第一臺彌撒禮。因院中看護婦。以仁愛會修女充任。故特建小聖堂於院內。以備修女瞻禮之需。修女住屋。亦建在院中。其圖稿出自某教士手繪。下層爲客廳。休憩室。廚室等。上層爲小堂更衣室。臥室。病房。浴室等。現有修女五人。住居其中。以聖味增爵醫院修女長 Harbry 修女。爲籌備此事主任云。○本年一月一日。京師林主教偕會長 Vanherseeke 及理家 Planchet 按照曆年舊例。入公府謁見馮代總統。祝賀年禧。馮河間於接見公使團後。即接見林主教等。一切禮儀。悉如恒昔。○蒙古 薩拉齊等處。發生鼠疫。即肺炎症。已誌本雜誌上期。今悉蒙古傳教士中。已有三教士。台波克 Francois Deboeck 阿尼克 Julius Anieq 及斯比愛靈 Henri Spierings 死於時疫。茲將該三教士小史及蒙古教士函述鼠疫之情形等。彙誌如下。(一)三教士小史。一。台波克司鐸。以一千八百六十三年七月二十六日。生於東法蘭德爾省 Huggenhout 地方。於一千八百八十九年三月二十五日。發願。旋於六月二十日。陞列鐸品。以九月二十二日。赴華傳教。迄今已歷二十八年之久。今染鼠疫。歿於江健窩子。二。阿尼克司鐸。以一千八百六十九年四月七日。生於東法蘭德爾省 Nulkeke 地方。於一千八百九十一年九月八日。發願。以一千八百九十六年七月十九日。晉陞鐸德。於九月二十一日。東渡來華。傳教救靈。迄今亦已二十餘年。三。斯比愛靈司鐸。以一千八百七十六年一月二十五日。生於巴拉班省 Oss 地方。於九十七年九月八日。發願。以一千九百零二年十二月二十五日。晉授鐸爵。翌年四月二日。抵中國。傳教迄今。

亦已十餘年。按以上三司鐸。此次不幸相繼斃於疫。敬請閱報諸君。爲三鐸祈禱。俾得享天堂幸福。並祈上主速賜鼠疫消滅。是所切盼。一、蒙古教士陳述鼠疫之函件。一、鄂爾多斯即蒙古西南境公會理家蘭資。司鐸於十二月二十八日發自二十四頃地之函云。此間鼠疫盛行。死於疫者爲數已不鮮。包頭鎮疫死屍首隨置途中。中畧台波克神父已於隔昨病亡。特以奉聞。祈爲祈求上主。二、蒙古西南境主教立克氏 Van Dyck 於十二月三十一日自二十四頃地發寄一函。畧謂肺炎疫初起於三道河與包頭鎮間之鄂倫都波（譯音）去年土匪曾以其地爲機關處。搶劫全境。直省派兵來剿。兵遂駐留包頭相距不久。亦即染疫。目下死者頗多。疫症由此傳散。大道中與旅店內常有染疫而亡者。乃蔓延他處。甚有全村喪亡殆盡。無一活人者。有村名江健。窩子者。居民多爲教友。十二月十九日一少年來自包頭未幾即死。此後村中常有死亡。至二十七日喪命者已六十人。台波克神父適居是村。竭力防衛。惟不能不依教規。爲死者行終傳聖事。故亦傳染此疫。於二十六日身亡。阿尼克神父聞其死耗。於二十七日往視之。並代其執行教會事務。身居疫境亦屬可危。惟禱天主默佑耳。（後另一報告阿尼克神父及斯比愛靈神父亦均染疫身亡。）居民倉皇逃死。無法使其不逃。此爲最有害之事。蓋已染疫者。無論逃至何處。總難逃出一死。徒使其所往地方。因以染疫而已。各村鎮由此而成疫區者。今已甚多。此間曾有一人自疫區來。旋即有病。察係肺炎疫。俟其氣絕。即行掩埋。並毀其居屋。凡曾與之觸

一 千 九 百 十 八 年 陽 曆 三 月

近者。皆強令獨居。斷其交通。自此而後。此間遂不復有疫症。吾人防術甚嚴。此村中居民。教友十居八九。村外有土城一道。係數年前所築保護者。今城門悉閉。吾人看守嚴密。無論何人。不許出入。即往來函件。亦須在城上施行消毒防疫法後。始可收納。傳教之士。居於自衛不嚴之處者。易於染疫。頗可慮也。三。蘭。資。蜀。教士。於一月一日。發自二十四頃地之函云。此信發出之前。曾經施行消毒之法。余前向北京建議。凡由此地發出之函件。皆須施行消毒法。余甚望政府之採行此議也。江健窰子。自十二月二十至三十日。已死九十人。其逃至他處而死。以致疫症蔓延者。尙未計算。該村之可怖爲何如哉。薩拉齊之官吏。頒布告示。禁民間遷徙。及與他處往來。此示若能遵守。則幸矣。此間設有郵局。若一旦疫至此間。則往來郵件。全將停止。黃河之南。小諾爾鎮。曾發見疫症。今該處函件。已不復來此。至於鄂倫都波之西。及三道河境內。現狀若何。余不能言。因余已久不接該方來信故也。四。蘭。資。蜀。教士。一月十三函。略謂最近所得消息。叙述如次。江健窰子。居民染疫症而病亡者。仍日有所聞。三星期內。教友之死於時疫者。計共百餘名。其他諸會口中。幾無一會口。不被時疫侵入。惟不如江健窰子之遍地皆然。然被疫症侵入之教友家。往往全家喪亡殆盡。或僅剩小孩一名。可憐孰甚。至全爲外教人所居之各村落。被疫症侵入與否。則莫悉其究竟若何。惟據目下傳聞。有謂某村居民。已全死亡。或云某村某街。全染時疫。或又云某村某家。或某數家。已全罹疫症喪亡。未知確否。又據某處來信。藉悉包頭鎮中。鼠症亦正盛行。尤以西牛

城爲最。與二道河毗鄰。歸化廳（今與綏遠廳合併爲歸綏縣）城中亦遭疫患。或謂於八日內居民死亡者。共有一千餘名之多。現時疫如取自包頭至歸化大道一路進行。該病症發生時之現象。最先僅覺頭痛。繼以呼吸不順。旋遂咯血。而至於死。凡染此病症者。千百人中。鮮有一二人幸免於死。自病發至氣絕。最速者祇數時。最耐久者。不過三天。普通患疫症之人。在四十八小時內氣絕。病之傳染原因不一。或與病人接近。或與病人之衣服接近。更或室中曾有病人。或其衣服病菌留於空氣中。侵入氣管。遂亦染病不起。故防疫之法。以斷絕交通爲主。未知可否轉詢法。公使館醫士將其其他防疫法詳示爲盼。此間教士住屋等。如爲防疫必要起見。固不惜付之一炬。惟其他百餘家。不能如己意。焚燒淨盡。然則何之如其可也。三一防疫之法。一法使館 *Ministry* 蒲西愛爾博士答覆蘭教士陳述防疫諸法。首云。肺炎疫中之微菌。質甚柔弱。熱力日光。空氣乾燥。均能制其死命。次述簡易消毒法有三。甲。患傳染疫者所用之衣服及寢具。須一概燒燬之。或於太陽中曝曬三天。更或以沸水洗滌。沸水中。或加消毒物品亦可。乙。患傳染病者之住屋。首須緊閉三天。外加以鎖。後將屋開啟。入室者。仍須用面具及防疫衣褲。以免或遭不測。俟用畢後。以沸水洗滌之。屋中須加意掃除拂拭。遍洒消毒物品。或生石灰沸水。坑上之臥蓆。及其他零星物件。須一概燒燬之。丙。消毒物品。生石灰沸水。爲用甚佳。其他消毒物品。亦均可用。如能將病者住屋嚴密緊閉。則用硫磺消毒亦佳。每密達立方。須以硫磺一百克蘭姆薰之。或用膽礬或皂礬亦可。

一 千 九 百 十 八 年 陽 曆 三 月

惟須注意。凡實行消毒法之人。切不可忘戴防疫之面具及眼鏡等等。二、晉省警務處所定消防辦法。與以上互有出入。亦轉錄如下。甲、(除鼠) 疫症類由鼠毒傳播。除鼠方法。以養貓置捕鼠器為普通。凡屋頂內。地板下。廚房流水處。溝渠等。如有鼠族往來居住之孔穴。應即填塞之。乙、(清潔) 住屋加意掃除拂拭。黑暗之處。多令開通窗牖。透射日光。以殺黴菌。破爛不潔之衣服寢具。及舊存麻袋毡包等件。即行洗濯。或時在日中曬曝之。腐敗臭惡之食料。即行捐棄。或燒燬之。丙、(燒燬) 患傳染病者。及患傳染病死者。所用之衣服被舖布片便器及其餘器具等。須一概燒燬之。丁、(藥物消毒) 用石炭酸水。或生石灰水。每日灑地三次。凡住室內可用硫磺薰之。硫磺薰法。以瓦盆內置棉花。將硫磺研碎。敷棉花上。以紅炭燃之。薰時將門閉住。人出門外。俟烟氣減少。再入。戊、(日光消毒) 日光有殺菌之力。各國醫學家所證明。值惡疫流行之時。可將屋內之物與器具及衣服寢具等件。搬出嚴重曝曬。曝曬時間。以午前九時至午後四時為限。曝曬之際。務須表裏反覆二三次。使物體全部得同遍受日光之力。按一月三十一日。蘭教士復有一電。謂各處疫症。已似稍減少云。○上海 據民國六年中日公教教務調查統計。現中國共有主教五十三員。西教士一千四百三十二員。華教士八百五十七員。共二千三百四十二員。教友一百八十五萬八千八百十名。較民國五年。增六萬九千六百六十五名。保守者不在其內。平均計之。教士一員。管治教友七百九十四名。居民二百二十九中人。得教友一名。居民十八萬二千一百零一人中。

得教士一員。日本共有主教五員。西教士二百十六員。日教士五十七員。教友十六萬四千四百六十四名。平均計之。教士一員。管治教友五百九十二名云。○新任直隸東南境副主教劉公文。思擇於二月二日。聖母獻耶穌於主堂瞻禮。在上海董家渡大堂。邀請江南姚大司牧。爲行祝聖大禮。會誌本雜誌去年第十二期。茲將此次祝聖情形。及各處慶祝新主教略誌如下。劉公由一月杪蒞滬。其祝聖禮於二月二日上午八時起舉行。至十時許止。除江南姚主教爲主禮外。尙有二主教爲贊禮。一爲直隸味增爵會杜公保祿。一爲河南米蘭傳教會梅公占魁。他如震旦大學院姚院長。徐滙顧院長。暨本外埠司鐸修士修女等。到者甚衆。男女教友擁擠滿堂。幾無容足地。法國駐滬總領事及副領事等。亦特往與禮。祝聖時。歌聲四起。和以琴聲樂聲。入耳不凡。熱鬧異常。祝聖禮儀與預定之禮單無甚出入。禮畢。以茶點款待。法總領事等等。旋由四主教合攝一影。用誌紀念。午時筵宴來賓。不下百餘人。新主教於席間起立。操法語演說。首謂對於聖教會及教皇忠誠不貳。次謂對於耶穌會自幼至今。始終盡忠。不敢或忘。又次謂對於里爾之聖母。自幼敬崇。當永遠敬之。又次則讚美上海傳教會。比國傳教會。意國傳教會。巴黎傳教會等。大衆鼓掌。三時許。新主教舉行聖體降福禮後。於是各來賓等。盡興而散。附錄禮單如下。祝聖新主教禮儀。主禮主教暨新主教。前一日。各守大齋。大堂中。用正祭臺。及邊祭臺。共兩座。衆司鐸。衆修士。往迎新主教。及襄禮主教。到堂後。跪於正祭臺前。主禮主教。升西座。穿衣。新主教。升東座。穿衣。主禮主教。

坐於正祭臺前。襄禮二主教領新主教。到主禮主教前。襄禮主教請主禮主教行祝聖禮。主禮主教問奉有教皇諭旨否。襄禮主教答有。司書記司鐸高聲讀諭旨。新主教至主禮主教前發誓。一誓赴公會議。二誓將所司教務奏報教皇。三誓不擅賣教中產業等事。主禮主教問新主教日後講道依聖經之旨。聖師之訓。聖教之意否。諸事聽教皇命否。恤貧憫衆。堅持信德否。均答曰。然。主禮主教升正臺。始行彌撒。新主教升邊臺。穿禮衣。亦行彌撒。堂中唱。天主矜憐我等云云。主禮主教坐正臺前。新主教亦來正臺前。主禮主教告新主教。日後善行聖事。特授神品聖事。主禮主教命衆人求天主。新主教伏地。衆人誦列品禱文。主禮主教置聖經於新主教頭上。襄禮主教按手於新主教頭上。主禮主教唱序文。唱求聖神降臨誦。衆人同唱。至終。主禮主教傳聖油於新主教頭上。續唱序文。及聖咏一百三十二章。主禮主教傳聖油於新主教手上。主禮主教祝聖權杖。戒指。授於新主教。又授聖經。行相抱禮。主禮主教升西座。續行彌撒。新主教升東座。洗手。續行彌撒。念奉獻經時。新主教以二燭二餅。又酒二桶。獻於主禮主教。兩主教同行彌撒。主禮主教唱序文。以後行彌撒如常禮。至領聖體時。將聖體聖血。分爲二。兩主教各領聖體聖血。主禮主教祝聖高頂禮冠。加於新主教頭上。主禮主教祝聖手套。加於新主教手上。新主教升座。衆人唱謝天主經。行遊堂禮。新主教降福衆教友。主禮主教念經。新主教降福。新主教聲言感謝衆人。新主教行三跪禮。祝主禮主教長壽。彌撒畢。新主教回署。衆人各散。又翌日。即二月三日。洋涇浜筵宴新主教。

以申慶祝。又五日。徐滙舉行慶祝新主教。上午七時。在徐滙大堂。由新主教獻大彌撒禮。江南姚大司牧並委託劉公代行剪髮禮。及聖修士四品禮。至十時半始畢。司鐸修士教友等。到堂與禮者。至衆。新主教到時。土山灣軍樂大奏。鞭爆聲喧。後新主教出堂時。軍樂又大奏。極盛一時。後在北堂筵宴畢。行慶祝禮。樂聲又作。歡聲四起。云。○徐家滙。一月二十六、二十七、二十八、三日。徐滙土山灣聖衣修女會。舉行慶祝新列真福品。福女亞納。聖巴爾多祿茂。江南姚大司牧。直隸東南境新任劉副主教。震旦大學院姚院長。徐滙顧院長。先後到堂。舉行大禮。司鐸修士暨教友等。於三日中。到者甚衆。熱鬧異常。按福女爲西班牙人。以一千五百四十九年誕生。於七十二年。進聖衣會。發大願。嘗爲聖女德肋撒同伴。服侍聖女。及隨從出外。創立修院。約歷十年之久。聖女於一千五百八十二年。以首枕福女兩臂而終。福女旋即回亞味辣。修院。及一千六百零四年。奉上峯命。偕數修女。赴法國。創立修院二所。任院長有年。栽培修女頗衆。後往比國安物耳埠。又創立安物耳埠修院。任院長十四年而歿。福女德備功全。歿後靈跡甚多。指不勝屈。列入真福品之案。卷備齊已久。適因聖教會迭遭事故。擱置多時。至去年三月二十五日。苦難瞻禮主日。始由教皇本篤第十五。批准列入真福品。徐滙土山灣聖衣修女會。爰特舉行慶祝。以誌賀忱云。

外國之部

○法國 法文甫爾維哀爾星期報第二千八百二十三號。論聖母神形升天問題。有云。聖母神形升天之特恩。與吾主降世贖人問題。有密切之關係。此問題惟能切於

母不能公諸他聖。因吾主救贖之功。對於聖母一方面。能使聖母毫無罪惡。毫無傾向罪惡之根。由毫無由罪惡所生之種種缺陷弱點。與寵愛不相容之罪惡。及遙為傾向罪惡之先機。可稱為苦難兇惡也。苦難有單獨苦難及懲警之苦難。單獨苦難。為立功修德之機。吾主耶穌親自迎取。導我人由此以穩走天路。凡他人有此單獨苦難者。皆蒙天主寵愛之憑證也。因亞當逆命犯罪。子孫理宜同遭懲責。此懲責之苦難。吾主耶穌既為亞當之子孫。亦甘願同受此罰。其受苦之深。重。遠勝於我人意想之外。天主欲聖母於諸苦難逆境之遭遇。一如聖子耶穌。有如形影之不相離。蓋欲其於事事皆有救贖功效之份子也。聖母於單獨苦難及為亞當子孫而應受之懲責。皆一律忍受。毫無出規。將己之功。結合於吾主救贖之功。拯救吾人。至於亞當逆命後最重之罰。莫如身死。吾主耶穌甘心選此重罰。以贖吾人之罪。聖母既已事事效法聖子。則於身死一端。亦已按理應有之事。毫無可疑。或曰。身死為原罪之罰。聖母既無原罪。不應身死。曰。死為原罪之罰。固也。聖母以法聖子。為惟一正道。吾主既擇身死。以救世人。則聖母亦甘擇身死。以結合於吾主教贖之功。或曰。身死為自然升天之路。宜作樂觀。不作悲觀。曰。此死路雖可作樂觀。然非人之覺性所嗜好之路。曰。宗徒保祿。謂人喜穿服榮光。然不曰。喜脫去肉身而穿服榮光也。肉身離去靈魂。本為拂人所好。即吾主與聖母之肉身。亦入此範圍。好生惡死。人之常情也。吾主與聖母。並未拂

此常情。且此好生惡死之覺性。並不碍其神聖清潔之進步焉。吾主之聖。因其有天主第二位結合人性。結合此身。聖母之聖。因其與吾主有密切不相離之關係。故二人之身死。實為聖德之至高一分。稱之為生命祭獻。性命犧牲云。以故聖母既已身死矣。身已死。此罰不可延久太長。若果聖母聖身。可久居墓中。為死字得勝。則可謂天主於救贖之工業中。另有特別新規。不合其已定之常規矣。然今天主於上智之宰制萬物。至今並無新律出規。為吾主救贖之奇功。祭獻與苦難。皆以一死為結局。一死之後。羞辱與苦難。立即停步。墳墓忽變為榮光之點。聖母亦然。亦死而入墓。然久居墓中否。彼之聖潔肉軀。可否為死字之贖物。受其蹂躪乎。死字為眾人。乃公律耳。為眾人。乃必要之律耳。惟為汝童貞瑪利亞。則不然。救贖之成效。對於汝聖母。皆有特別新律。異於凡眾。試觀汝無原本諸罪。汝為蹈破魔首。汝為品行絕粹。至優且美。汝無私慾之暴動。汝為仁愛無涯。汝之苦難。有非常特別之價值。汝之深契天主。不與凡人同。一言以蔽之。瑪利亞。不與凡人並論。有出類拔萃之曠典。汝之死也。非為汝一人之公律所制。乃為人類之公益。一如汝之聖子。然以故瑪利亞之死。是否為死字所勝。久居於墓。直至天神吹號器令甦。然後由墓復生乎。若果如是。則與諸他種出規之端。皆前後自相矛盾矣。決無此理。眾聖人之末日復活。尚為得勝罪惡之憑證。况為汝諸聖人之后乎。果知基利斯督之救贖奇功。得勝罪惡。得勝私慾。得勝死字。其得勝之至點盡頭處。乃在滅除種種凶惡禍患。多多益善。救贖之效。或為全部。或為半部。又知為眾人

之救贖皆確切有效。對於聖母之救贖。則從高一層設想。皆不與凡人同。瑪利亞既無罪過。既無私慾。全爲美麗無玷者。今尙留有一咒罵之言曰。汝爲灰土。須復歸於灰土。聖子既已甘心受死。則謂其母不得受死。此理已毫無價值矣。聖子死後。不准聖身朽腐於墓者。而謂其母。定必朽腐於墓。則勢亦有所不能。爲此借此末段理由。儘可直言無隱。謂救贖之奇效。對於聖母一面。皆有特別優待問題。高於諸聖人之上。毫無疑義矣。此非僅爲合理與相稱之說。吾敢直稱之曰。此爲不得不然。毫無疑義之問題也。凡諸反此之論。皆爲不通之論。不能稍有價值矣。○法之西南境。公教大學校。於去年十一月十三日。開職員會議。汪納 Yannes 主教古勞公 Mgr Gouraud 舉行聖神降臨彌撒。以誌該學院開學之盛。彌撒中。主教婉言訓導學生。以聖咏。主訓我以慈善。以規誠以學問。爲命題。是日主教到會者九位。皆所以獎勵後生。爲聖教與國家。儲畜人材起見也。○福女瑪加利大。誕生之地名曰衛老物爾 Városracs 去年十月十七日。福女本瞻禮日。舉行慶賀大禮。鄰近十二會堂之教友。皆來與禮。午前大禮彌撒。某司鐸宣講福女之功德。午後舉行迎聖大禮。○衣袖城於去年十一月中。舉行本城主保真福多默赫利 R. Thomas Healy 瞻禮。按真福於十三世紀時。傳教於該處。德化甚大。靈跡甚多。至今不忘。○十一月十九日。羅馬教皇御前會議。下諭任命 Fuchi 及 Liobel 二主教。爲法軍中任兵役之司鐸修士。及任慈善事業之司鐸之巡閱委

員諭旨說明該委員有巡視眾司鐸與眾修士之權。及對於不論神形各事均有指導管治之權。云。○去年八月十七日至十八日。德人將 *St. Omer* 法國聖根登大堂。縱火焚燬。化成焦土。該堂規模宏大。建築華麗。為公教建築物中最著名者之一。堂之深度。有一百三十三密達。其寬度及高度。與 *Noire-Dame* 聖母堂之寬高度等（四十密達）惟祭臺前左右橫裡凸出之廂房總數有四。其地盤形如二十字互連者。現在法國此等建築之格式。頗不多覩。惟在 *St. Omer* 聖堂遺址中。僅偶見一二耳。該堂外面堂頂。巍然高峙。為全城及沙末河全流域冠。人於遠處一望。而即知為聖堂矣。計自一千二百三十年起。鳩工興建。至一千二百五十七年。始完全告竣。堂內所有之裝飾品。珍奇而寶貴者。多不勝屈。其中最難得而可愛者。為十三及十五世紀之花玻璃窗。中古時代之畫於壁上之畫。以及石上所彫之花。或塗金者。或油漆者。等等。據某法文報云。該堂係先經德國著名之二工程師。指揮擇尤拆去。而後縱火焚燒。如彌撒間及廂房內之玻璃與螯特式之玻璃窗。聖母小堂內之螯特式裝飾品。以及聖像畫像等等。全城主保 *Saint Omer* 之大理石像。亦在其內云云。○意國某西報載有記事一則。甚有興味。轉譯如下。峇謂意國有某軍官。曾在 *Fiume* 脫朗登戰場。中彈受傷後。向醫愈彼傷之醫院。索還取出之子彈。不獲。訴諸法庭。法官判以詞云。凡鎗彈一自鎗口發出。即不復為執鎗軍士之所有物。亦非該軍士國家之所有物矣。其在空中飛舞時。乃為無主之物焉。故在墜地時。誰先得獲。即為誰之物也。今該軍官既首先於其身上得獲

該彈。則該彈理應歸該軍官所有焉云。○俄國 俄政府現新派一駐羅馬之大使。按該大使爲波蘭公教教友。向在外交部辦理報務。歷有年數。其此次之往羅馬任大使。關係頗重大。俄國正教。至今欲居羅馬教會之上。而反對政教分離甚力。然嗣後當能使之消滅矣。且亦新政府宣言中所提及者也。○俄京電云。政教分離令已下。取銷根據宗教信念之特別權利。限制信仰自由。禁止另立宗教學校。強施之宗教課程。宣布各教會產業。均爲國民公有。○俄國報界載俄國新政府。准前日被逐出境之耶穌會修士。可以反國。且行創設學校。振興教育。○波斯 前年波斯及土耳其交界處 Chahke 之公教教友。大受荼毒。時有一法國籍之司鐸 Decroo 公。大顯其勇敢仗義之俠心。共拯救婦孺老人數百名出險。送往波斯之 Kooza 及俄國之 Baku 而得免於難焉。公亦遂回波斯管理聖味增爵會傳教事務。前由外交部總長呈准總統。給予勳章一枚。以酬其勇俠與忱云。○美國 去年公教教務調查表如下。樞機三員。總主教十一員。主教九十七員。司鐸一萬九千五百七十二員。聖堂一萬五千一百六十三座。修道院八十五所。修道生六千二百名。男公學二百所。女校六百八十五所。會口五千五百八十八處。所設之會口學校。共值銀一千萬元。學生一百四十九萬七千九百四十九名。常年經費一千七百萬元。孤兒院二百八十五所。孤兒四萬八千七百八十九名。養老院一百十二處。

中外大事表

一月廿一日特授舒榮潘陳洪範劉成勳汪可權以勳五位
 能恢復舊國會理由
 廿二日章士釗謁馮轉述岑西林意見 閣議通過特赦帝
 制犯及陳錦濤
 廿三日任命劉存厚兼任陸軍第二十一師師長 岳州南
 北軍激戰 吳光新攻克荊州襄陽○俄烏克蘭部內訌
 頗烈 俄前敵哥薩克軍代表開大會反對加里定將軍
 廿四日岳州北軍潰退 馮河間得岳州電危耗訪徐東海
 段合肥主自南下徐段贊成 王占元連電告急 檢疫
 委員伍連德病以全紹清繼之
 廿五日公府開軍事大會議 商會代表勸阻馮河間出京
 不允 任命嚴誠客為審計院審查決算委員會坐辦
 任命鍾志鴻署理四川財政廳長 廣州大火 軍警各
 界阻馮河間南下不聽
 廿六日馮河間午宴臨時參議院議員 馮河間乘晚八時
 車出京師治安由王士珍等維持 公府通電馮河間
 南巡鼓勵士氣預定一星期內返京 曹錕等電阻馮河
 間出巡無效○協約國海軍大會議在英倫開幕
 廿七日子初馮河間抵津會曹督軍寅初赴濟會張督軍晚
 赴徐州張懷芝隨行會張敬堯續赴蚌埠張敬堯隨行會
 倪督軍及李督軍代表 南軍攻下岳州○匈牙利新內
 閣已成立以維克爾博士為首相
 廿八日馮河間為倪嗣冲迫阻由蚌埠返京 任命德恩沁
 阿拉什烏為圖那蘇圖為副使使札那密達為貢榜克多
 爾齊為副使使 已視陸軍中將二等文虎章勳五位
 馮德麟開復原官並給還勳章勳位

中外大事表

廿九日馮玉祥部下開發赴鄂 馮河間抵京 政府通告
 馮河間返京 特授李嘉品以勳四位○俄極派宣稱
 與羅馬尼亞斷絕外交關係 特派曹錕為兩湖宣撫使 特任曹
 三十日曹錕赴保定 特派張敬堯為援岳前敵總司令
 銳署理直隸省長 特派張敬堯為援岳前敵總司令
 命令著曹錕張懷芝張敬堯進攻譚浩明程潛所部軍隊
 以軍法各路統兵長官於所屬官兵選有不遵節制等情
 中將勳三位黎天才湖北陸軍第一師師長陸軍中將石
 星川被奪官職勳位等語緝獲○協約國戰事會議在
 巴黎開幕由法內閣總理主席
 三十一日殷鴻壽特加將軍銜派為前路各軍總執法處處
 長 任命龍驥兼任察哈爾整務總辦 吳俊陞晉給二
 等大綬嘉禾章王桂林晉給二等文虎章 唐紹儀抵廣
 州 李純通電主調和時局 張敬堯電辭總司令職
 二月一日命令忠縣監利等處有擊傷英美輪艦等事實任
 該管長官澈查究辦各省關於外人生命財產須實切保
 護 馮玉祥抵孝感 劉存厚電告急並索款百萬
 二日張敬堯電允任總司令 熊希齡倡聯邦主義 特任
 何宗蓮為弼威將軍 瓊崖鎮守使陸蘭清免職以龍裕
 光繼之 任命陳選齡為川邊鎮守使 孟憲彝給子二
 等大綬嘉禾章 德國罷工人以炸彈一枚擲入皇宮被
 拘者二十五人
 三日譚浩明代表黎茂魁抵京 任命金鼎為湖北官銀錢
 局總辦
 四日馮河間授殷鴻壽七獅軍刀 命令梁士詒未啟鈐周
 自齊特赦免緝

一百四十三

中外大事表

五日命令署廣西督軍陸軍中將譚浩明擬奪官職暨勳位
勳章由前路司令拿辦 前湖南督軍傅良佐交軍法會
審嚴行審辦前代理湖南省長周肇祥交文官高等懲戒
委員會依法懲戒 江西督軍陳光遠以延緩出兵援湘
褫去上將銜陸軍中將仍留督軍本職 陸軍第八師師
長王汝賢第二十師師長范國璋以敗走長沙褫奪軍官
勳位勳章交曹錕察看留營効力總司令王金鏡以失守
岳州褫奪勳位勳章撤銷上將銜總司令 陳錦濤因案
判處三等有期徒刑特赦免其執行 任命吳佩孚署理
陸軍第三師師長 張載揚陳樂山晉給二等大綬嘉禾
章 馮河間下罪已布告 烏克蘭內閣總理 俄國政教分離令
波維區已被任為烏克蘭內閣總理 俄國政教分離令
已下 德國罷工風潮已息

六日張作霖電反對局部討伐 曹錕啟程赴鄂
七日郭宗熙給予三等寶光嘉禾章 陸軍中將勳三位王
安瀾陸軍中將勳三位唐克明以結匪逞亂褫奪官職暨
勳位勳章嚴拿懲辦

八日張敬堯拔隊開鄂 齊耀琳給予二等大綬嘉禾章
王飛虎授為陸軍少將 曹錕抵孝感 羅國內閣辭職
奧國內閣辭職皇不允

九日那彥圖給予二等大綬寶光嘉禾章 特授李炳之以
勳五位 劉曜龍朱廷燦均授為陸軍中將劉虎臣加陸
軍中將銜張繼善劉占標周煜坤均授為陸軍少將 羅
王已命亞佛里斯克將軍組織新內閣

十日曹錕抵漢口

十一日任命王懷慶幫辦直隸軍務 任命夏詒霆為駐巴
西國特命全權公使兼充駐秘魯國特命全權公使 陸
軍第二師師長王金鏡免職交由曹錕軍前委用 任命
王占元暫兼陸軍第一師師長 土耳其廢皇亞白杜爾

哈米特患肺炎症逝世
十二日統一紀念日 馮玉祥抵武穴通電主和 魯軍抵
贛 陳光遠電辭職慰留
十三日杭州松江汕頭香港南京揚州蘇州上海寶山漢口
南昌福建地震 任命瓊崖道尹周沅兼署瓊州北海交
涉員 俄國里林政府通令改用羅馬曆 烏蘇里哥薩
克人民大會反對與德軍獨媾和
十四日張敬堯抵漢口 陳光遠電取銷辭呈請假十日
廣州又地震 波蘭內閣已辭職 日本衆議院否決不
信任內閣案

十五日任命傅春官為江西潯陽道道尹 傅良佐陳情於
軍法會審說明離湘隱情 陝西胡景翼所部進逼省垣
土匪竄起 倪嗣冲電馮玉祥逗遛武穴候示辦法
十六日給予場以二等寶光嘉禾章 周良才授為陸軍
少將 陳煥章請特赦張勳康有為
十七日公布參議院議決修正國會組織法參議院議員選
舉法衆議院議員選舉法 公布參議院議決蒙古四部
西藏第二屆衆議院議員選舉施行法 馮玉祥電患病
請假十日 殷鴻壽已抵漢口
十八日命令內務部督飭籌備國會事務局迅速籌辦新國
會選舉事宜 王占元電宜昌危急
十九日馮河間訪田文烈勸出組內閣 王士珍上書辭職
李純電續假半月
二十日署理國務總理王士珍給假以錢能訓兼代 薩鎮
冰謁馮河間主調和時局 陝西陳樹藩電告急
江南主教姚 准